



Date: 04th September, 2026

To,
**The Listing Department,
National Stock Exchange of India Limited**
Exchange Plaza, C-1, Block-G
Bandra Kurla complex, Bandra-East
Mumbai-400 051

To,
**The Listing Department
BSE Limited**
Phiroze Jeejeebhoy Towers
Dalal Street
Mumbai-400 001

Symbol: STARCEMENT

Scrip Code: 540575

Dear Sir(s)/Madam(s),

Sub.: Newspaper Advertisement confirming completion of dispatch of Annual Report along with the Notice of 25th Annual General Meeting ('AGM')

Pursuant to Regulations 30 & 47 of the SEBI (Listing Obligations and Disclosure Requirements) Regulations, 2015, please find enclosed copies of the newspaper advertisements confirming the completion of dispatch of the Annual Report along with the Notice of 25th AGM to be held through Video Conferencing (VC)/Other Audio Visual Means (OAVM) as published in the Financial Express (All India Edition) and Hima (Khasi Edition) on 04th September, 2026.

This is for your information and record.

Thanking you,

For Star Cement Limited

**Debabrata Thakurta
Company Secretary
(M. No.: F6554)**

Encl: as above

STAR CEMENT LIMITED

Century House, P-15/1 CPT Colony, Taratala Road, Kolkata -700088. Email: kolkata@starcement.co.in
Registered Office & Works: Village & PO – Lumshnong, P.S. Khliehriat, District – East Jaintia Hills, Meghalaya – 793210. Phone: 03655-278215/16/18. Fax Number: 03655-278217.
Email: lumshnong@starcement.co.in. Website: www.starcement.co.in
ISO 9001:2015, ISO 14001:2015 & ISO 45001:2018 CERTIFIED COMPANY.
CIN : L26942ML2001PLC006663

Phah shithi ka TMC sha ka President bad u Lat ka WB halor ki jinglong jingman ha ka jylla



Kolkata, Nailur:

Kum shi bynta ban pynpaw ia ka jingsngewkhia kaba jur halor ka jinglong jingman jong ka suk ka saih ha West Bengal kaba la syn-shar da ka BJP, ka kynhun jong ka Trinamool Congress ba la ialam da ka Myntri Rangbah barim ka jylla ka Mamata Banerjee ha ka sngi Palei ka la thoh sha ka President ka Droupadi Murmu bad sha u Lat ka jylla u R N Ravi, da kaba pan jingialang kyrpang bad ki.

Kine ki shithi ki la wan hadien katto katne kynta hadien ba u MP jong ka seng u Abhishek Banerjee u la kynnoh ba ki nongtrei ka seng syn-shar ki la pynjulor ia ka ophis jong ka TMC kaba don ha Camac Street ha ka step jong ka sngi Palei.

Ka seng synshar barim, ka Trinamool Congress, ka la kynnoh ia ka jinglong jingman jong ka suk ka saih kaba 'nang sniew' ha West Bengal naduh ba ka BJP ka la wan ha ka bor synshar ha katei ka jylla ha u bnai Jymmang.

Ki nongialam jong ka Trinamool Congress kiba dei na ka ktem jong ka Mamata Banerjee ki thmu ban iakynduh ia ka Murmu bad u Ravi ban pynsngew ia ki jingkyn-noh jong ki ha kaba iadei bad ka jinglong jingman jong ka aih bad ka suk ka saih kaba la 'sniew' ha West Bengal, khamtam hadien ba la pynkylla ia ki nongap pahara ha katei ka jylla.

Katkum ka jingong jong ki brieve kiba don hapoh ka seng ha ka ktem jong ka Mamata Banerjee, ki kwah ban pynkhih ia ka jingmut jong baroh arngut u President bad u Lat, ki arngut ki khlieh nongsyn-shar jong ka ri bad ka jylla kawei hadien kawei pat, shaphang ka jinglong jingman jong ka aih bad

nongiasaid aih.

"Bad hangno ki pulit Kolkata ki la don? Haduh ar kynta, wat hapdeng ba la phone bad email bun-sien na ki brieve bad ki nongiasaid aih jong ngi, ym shym la don kano kano ka jingkyntoh. Kane ka long kaba sngewsih bad kaba ym lah ban pidiang", u la ong ha ka ryndan X.

"Ngi dawa ban kem mardor ia uwei pa uwei u brieve uba donkti ha kane ka kam thombor. Ngi dawa ruh ban tohkit mano ba thmu, pynbeit bad bthah ia kane ka kam thombor, bad balei ki pulit kim shym la leh ei ei watla la pyntip bunsien. Ym don ka seng saih pyrthei bad kano kano ka kynhun jong ki nongleh kam sniew kiba don tiar kiba lah ban long halor ka aih," bynrap biang u khun kha jong kaMamata.

U la buh jingkylli shuh shuh ia ka jinglong jing-man jong ka suk ka saih ha Bengal, da kaba ong, "Lada ki brieve ki lah ban hiar thma ia ka ophis jong ka seng saih pyrthei da ki tiar ialeh ha ka por 4.30 mynstep, ban thombor ia ki brieve bad ban pynjulor ia ki mar ki mata katba ki pulit ki dang don, te kaei thik kaba sah jong ka syn-shar aih ha West Bengal?" "Ka la biang. Kem ia ki nongleh kam sniew. Pynbeit ia ka jingk-itkhlieh. To leh mynta."

Ha ka janmiet jong ka 27 tarik u Nailar, ka Kolkata Municipal Corporation (KMC) ryngkat bad ki pulit jong ka Kolkata, ki la pynpra ia kawei ka billboard kaba heh bha jong ka All India Trinamool Congress (AITC) kaba la buh ha jrong jong ka ophis jong u Abhishek ha ka mala kaba hynriew jong kawei ka iing kaba bun kawa bha ha Camac Street, lait noh ma u, ha ryngkat ki pulit pahara ba shimet jong u, la ong u nongtrei ophis bad u Derek O'Brien, da kaba khanglad ia ka kynhun jong ki paidbah bad ki pulit ban rung shapoh katei ka iing.

Ki nongtrei jong ka KMC kiba la tiar da ki nar bad ki tiar ot gas ki la sdang ia ka jingtrei ban pynpra ia katei ka billboard, kaba la shna da ki sla tin halor ka jingtei kaba la shna da ki nar.

Kyntu ka BJD ia u CEO ban leh eiei halor ka jingshah pyndam kyrteng ki nongthep vote

Bhubaneswar, Nailur:

Ka seng BJD ha ka sngi Balang ka la kyntu ia u heh ophisar elekshon ban shimkhia mardor halor ka jingkyntoh ba la pyndonkam bakla ia ka Form-7 ban pyndam noh ia ki kyrteng jong ki nongjied ba shisha bad kiba dei hok, khamtam eh jong ki jaitbynriew rit paid, ha ka por ba dang iaid shakhmat ia ka Special Intensive Revision (SIR).

Ha ka jingthoh jingkyntaw ba la ai sha u heh ophisar ba la pyndap, ka BJD Minority Cell ka la kynnoh ba la ioh jingujor halor ka jingthep Form-7 pyrshah ia ki nongjied ba shisha, khamtam ki Muslim, ki

Khristan, ki Buddhist napdeng ki nongshong shnong kiba dei hok.

Ka dorkhas ba la ong ba namar ba ka por dawa bad jingpyrshah hapoh ka SIR ka la kut ha ka 19 tarik u Nailar, dei ban bud ia ka rukom treikam aih ba la buh bad ym dei ban pynduh ia u nongjied ba shisha. Shuwa ban pyndam ia kano kano ka kyrteng, dei ban pyntip sha u nongjied ba iadei bad dei ban aildan ban pyni ia ka mukotduma jong u, ka la bynrap.

Ka seng ka la dawa ba ki aplikeshon Form-7 bad ki jingtyrwa ban pyndam kiba dang pyntreikam hadien ka 19 tarik u Nailar, ki dei ban shah bishar bniah kyrpang. Ka

jingpynshisha katkum ki konstitwensi bad katkum ki booth jong ki aplikeshon Form-7 dei ban leh ha ki jaka ba don bun ki jaitbynriew rit paid, ka la bynrap.

Ka BJD ka la kyntu ia u CEO ba un bishar bniah ia kane ka kam bad bthah ia baroh ki DEO bad ki ERO ha ka jylla ba kin pynlong ia ka jingpynshisha khlem shah liang ha kano kano ka jaka ba ki ioh jingujor.

Ha kane ka kynhun jong ka BJD la kynthup ia ki nongialam ba rangbah u Sheikh Nizamuddin, ka Rizwana Begum, ka Susanta Rout, u Lenin Mohanty bad u Bijay Nayak, nalor kiwei pat.

Thmu ka TN ban pyntreikam da ka Digital RC halor ki Licence niah kali



Chennai, Nailur:

Ha ka sienjam kaba kongsan, ka tnad kit mar jong ka Tamil Nadu ka la rai ban pynduh noh ia ka rukom ai ia ki card ba la buh chip na ka bynta ka Registration Certificate (RC) jong ki kali bad ka licence niah kali. Ha ka jaka jong kata, yn shah ia ki trai kali bad ki nongbat laisen ban shim ia ki kot ki sla kiba la soi da ka Digital. Kane ka jingthmu kan treikam naduh ka 15 tarik Nailur, u Myntri Rangbah ka jylla u C Joseph Vijay u la pynbna hapoh ka Assembly ha ka sngi Balang haba ai jingkren katkum ka Rule 110.

Kane ka sienjam la khmih lynti ba kan pynbha ia ka jinglong khuid, ban pynduh ia ka jingpynslem ban sam ia ki kot ki sla sha ki nongpyndonkam kali bad ban tehlakam ia ka bamsap ha ki Regional Transport Office (RTO). Ki Tout, ki nongdie kali bad ki skul niah kali bunsien ki bat ia ka RC tynrai bad ka licence niah kali jong ki nongaplai, la kynnoh ba haduh ban da siew.

Ki kot ki sla Digital kin don ki QR code bad ki jingsoi Digital, kaba aildan ia ki bor sorkar, ki pulit pyniaid kali bad kiwei kiwei ki bor pynjari aih ban pynshisha ia ka jingshisha jong ki da kaba pyndonkam ia ki tiar ba la bat da ka kti.

Ki heh jong ka tnad kit jingkit ki la ong ba ki nongpyndonkam kali ki lah ruh ban ioh ia ki kot ki sla ba la download ba la pynklyla sha ki Physical Card da ka jinglut jong ki hi, da kaba bynrap ba kin dang bteng ban shah kheiin kum ki kot ki sla kiba biang. Mynta, ki nongaplai ki shah shim dor T.250 na ka bynta ki RC bad ki licence ba la buh chip.

Lyngba kane ka jingleh, ki nongthied kali thymmai kin lah ban shim ia ka Digital RC ha kajuh ka sngi ba la dep pynrung kyrteng. Kumjuh ruh ki nongaplai kin lah ban shim ia ka licence niah kali jong ki ha ka sngi ba ki pyndep ia ka test niah kali. Kane ka jaka kan long ruh ban shim ia ki Digital Copy lada ki kot tynrai ki jah, la ong u Myntri Rangbah.

Ka jylla mynta ka pynmih kumba 30 lak tylli ki Smart Card ba la buh chip man la u snem. Kane ka kynthup kumba 20 lak tylli ki RC na ka bynta ki kali kiba dang shu rejistar bad die biang, bad kumba 9 lak tylli ki licence niah kali kiba thymmai.

U heh jong ka tnad kit mar u la ong ba ka lad ban ioh ia ka Smart Card kaba paw kan dang sah haduh katto katne por. "Ngin sa pynsngewthuh kham bha ia ki nongaplai ba ki kot ki sla ba la shim da ka Digital ki long kiba biang. Hadien katto katne por yn sa sangeh noh ia ka jingai ia ki Physical Card," ong une u heh sorkar.

Haba kdew ia ki Smart Card ba la buh Chip ba la pynmih ha TN naduh u snem 2015, une u heh sorkar u la ong, "Mynta, ki jingthut ha kaba pynmih ia ki Smart Card RC ki wanrah ia ka jingpynslem bad pynkiew ia ka jingkitkhlieh ha ka liang ka jingpyniaid, katba ki pynlong ia ki nongaplai ban ap kham slem."

Pynlong jingkhynra ka kynhun ED sha kylleng ki jaka ha Keralam

Thiruvananthapuram:

Ka tnat Enforcement Directorate (ED) ha ka sngi Palei ka la pynlong ia ka jingkhynra ha ki bun tylli ki jaka ha ki distrik Kozhikode bad Palakkad ha kaba iadei bad ka jingtohkit ia ka pisa kaba iadei bad ka jingshalan beaih ia u drok Hybrid Ganja na Thailand, ong ki heh sorkar.

Katkum ka jingithuh ki heh jong ka ED, ka jingtalasi ka dang iaid ha ki jaka sah jong kiba shah kynnoh u Abu Tahir, u Harikrishnan, u Jagath bad u Jaisai kiba don ha Kozhikode bad Palakkad distrik.

Ha u Jylliew, mynta u snem, ki pulit ka Ernakulam Rural ki la kem ia kawei ka longkmie bad ki la kurup kumba 18 kg u Ganja Hybrid, uba shong dor kumba T. 18 klur, na Perumbavoor.

U Ganja Hybrid, uba la rep da kaba pyndonkam da ki buit Hydroponic, la kynnoh ba la shalan beaih sha Keralam khamtam na Thailand.

Hadien kane ki pulit ki la kem sa khyndai ngut ki brieve kiba la kynnoh ba ki dei ki bynta jong ka kynhun runar kiba donkti ban shalan tuh ia u Hybrid uba bun bah na Thailand. Da kaba pynshong non-grim ha ka jingtohkit jong

ki pulit, dang shen ka ED ka la mudui ia ka mukotduma hapoh Prevention of Money Laundering Act (PMLA).

Ki heh jong ka ED ki la iathuh ba ka jingtohkit banyngkong ka la lap ba kine kiba shah kynnoh ki dei kiba donkti ha kaba pynkhuid ia ka pisa kaba heh kaba la ioh lyngba ka jingkhaii drok na Thailand sha India.

La kynnoh ba ki la phah pisa sha Thailand lyngba ki lad ki lynti kiba be-aii, la ong ki heh sorkar.

Ka kynhun ED ka dang wad bniah ruh ia ka jingpynkheih ia ka Foreign Exchange Management Act (FEMA) ha kane ka kam, la ong ki heh sorkar.

La kynnoh ruh ba ki nongshah kynnoh ki la shim wai ia ki nongkit bad ki la ai visa bad pisa ia ki ban shalan ia ki dawai pynbuaid, la iathuh ki heh sorkar.

Ki tyllong khutor jong ka ED ki la iathuh ba katto katne na kiba shah kynnoh ba ki donkti ha katei ka kam runar ki dang don ha Thailand bad ki jingpyrshang ki dang iaid shakhmat da ki pulit bad ka tnad ban wanrah biang ia ki sha India, la bynrap shuh shuh ki heh sorkar.

Hukum u Lalduhoma ia ki ophisar ban leh tyngeh halor ka kam bamsap

Aizawl, Nailur:

U Myntri Rangbah ka Mizoram, ha ka 3 tarik Nailur, u la bthah ia ki heh sorkar, ba kin leh da kaba tyngeh pyrshah ia ki kam bamsap, da kaba ban jur ba ym dei ban pyllait iano iano ruh, ha ka por ba pynlong ia ki jingtohkit.

U Lalduhoma u la kren ia kane ha ka jingplie ia ka training-cum-workshop halor ka Prevention of Corruption Act, 1988, kaba la pynlong da ka tnad Vigilance na ka bynta ki ophisar ka Mizoram Lokayukta, Anti-Corruption Bureau (ACB) bad ki pulit ka jylla.

U Myntri Rangbah u la ong ba ka sorkar jong u ka angnud ban pynthikna ia ka jingsynshar kaba khuid bad kaba khuid bad ka la shim katto katne ki lad ki lynti ban pynkhlaih ia ki tnad pyrshah bamsap, kynthup ia ka Lokayukta bad ka ACB.

Ka sorkar ka la mynjour ia ki kali thymmai na ka bynta ka ACB bad ka la pynjlan ia ka hok kali sha ki ophisar tohkit jong ka Lokayukta, u la ong. Ka jingai jingkyrshah ba kyrpang na ka bynta ki brieve jong ka ACB, kaba la pynsangeh noh ha ka por ba don ka khlam COVID-19, la pyntreikam biang ruh, katba kum kine ki jingai jingkyrshah la pynrung na ka bynta ki ophisar tohkit jong ka Lokayukta.

La mang pisa ruh na ka bynta ki jingpynsngewthuh paidbah ban pyrshah ia ka bamsap, la ong u Lalduhoma.



Shahkem u nong Pakistan hajan khappud ha Jammu

Jammu, Nailur:

Ki shipai ka Border Security Force (BSF) ki la kem ia uwei u brieve uba la shah suba ba u dei u nong Pakistan ha shilynter khappud International Border (IB) ha ka bynta jong ka Kanachak jong ka Jammu ha ka sngi Palei.

Ia une u nongwan rung tuh la kem ha ka por mynstep da ki shipai ba la pynkhreh bha jong ka 44 Battalion ha ka jaka ba shakhmat jong ka Border Outpost (BOP) Sohan, ka bynta kaba rit jong ka Jammu IB kaba jrong 198 km kaba dang long kaba eh bha ban rung tuh bad pyrshang ban rung tuh.

Une u nongwan rung tuh u dei uba la tip kyrteng kum u Nazir uba shong ba sah ha ka shnong Luni kaba don ha Sialkot distrik jong ka Pakistan kaba don markhap bad ka Kanachak - RS Pura belt.

Mar mar hadien ba la kem, ki shipai BSF ki la shim ia utei u nongwan rung tuh bad pynkhuid ia katei ka jaka. Na ka liang jong u Deputy Inspector General (DIG) jong kane ka tnad u la hiar mar mar sha katei ka jaka ban shim jingkheih ia ka jinglong jingman.

Mynta ki BSF ki dang kylli jingkylli ia u Nazir ban pynthikna la katei ka jingleit lyngba ka dei kaba khlem da thmu ne ka jingthmu kaba thmu ban peit bniah ia ka jinglong ba husiar jong ki shipai ha khappud ban pynkhih ia ki lehnoh ha ki por ban wan.

Ki shipai kiba la pynkhreh bha ha ka 25 tarik u Lber ki la kem ia uwei u riew rangbah uba dei u nong Pakistan ha pyrshah ia u BOP Bhaller ha ka thaii Ramgarh ha Samba distrik. Ka jingkylli ba nyngkong ka la pynpaw ba u la iaid lait khlem da thmu bad hadien la buh por ban pynphai biang ia u hadien ba la dep pyndep ia ki jingpynbeit.

Ha ka sngi shuwa jong ka Republic Day mynta u snem, ki BSF ki la ioh ban pyniarp ia uwei u nongwan rung tuh na Pakistan uba la tip kyrteng kum u Mohd Arif, 61 snem ka rta na Lahore, hadien ba u la leh khlem ador ia ki jingmaham ba la ju wan bad u la leit sha ka jingker kaba don hajan ka shnong Chak Majra ha ka thaii Ramgarh. La lap ia ka met jong u hajan u pud u sam.



Ha ki ar tylli ki jingjia bapher bapher kham mynshwa, ki BSF ki la siat iarp ia uwei u nongwan rung tuh ha ka thaii Arnia

uba dang wan shajan ka jingker bad kem ia uwei pat ha ka thaii Ramgarh uba la lap ba um don tiar pynngat.

Ki heh sorkar ki la iathuh ba ki shipai BSF ki dang pahara bha ha shi lynter jong ka IB ha ki distrik Jammu, Samba bad Kathua namar ba ki nongpyniaid kiba don ha Pakistan ki dang iai bteng ban pyndonkam ia u khappud na ka bynta ban rung tuh bad pynhap da ki drone ia ki tiar siat bad ki dawai pynbuaid.

STAR CEMENT LIMITED

CIN: L26942ML2001PLC006663

Regd. Office: Vill: Lumshnong, P.O.: Khalehriat, Dist.: East Jaintia Hills, Meghalaya - 793210

Corp. Office: Century House, 2nd Floor, P-15/1, Taratala Road, Kolkata - 700088

Tel: +91 9147415110

Email: investors@starcement.co.in, Website: www.starcement.co.in

KA JINGPYNTIP SHA KI DKHOT - KA ANNUAL GENERAL MEETING BA 25 BOOK CLOSURE BAD KA E-VOTING

La pynna ba ka jinglalang Ba 25 jong ka jinglalang ba Man ka Snem ("AGM") jong ki dkhot jong ka Video Conferencing ("VC") Kiwei de ki lad Audio-Visual ("OAVM") ban pyniaid ia ki kam kumba thoh ha ka Notice ba 07 tarik Nailur, 2026.

Ka Notice ba khot ia ka AGM ryngkat bad ka Report Man ka Snem jong ka Kampani la phah lyngba ka lad electronic ha ka 3 tarik Nailur, 2026 sha baroh ki dkhot ba la thoh kyrteng ia ki email address bad ka Registrar bad Share Transfer Agent/Depository Participant(s) jong ka Kampani, katkum ki pynbeit ba la pynmih da ka Ministry of Corporate Affairs ("MCA") bad ka Securities and Exchange Board of India ("SEBI"). Nalor kata, katkum ka Regulation 36(1)(b) jong ka SEBI (Listing Obligations & Disclosure Requirements) Regulations 2015, ka Kampani ka phah ruh ia ka shithi sha ki trai (shareholders), kiba ki email-ijd jong ki kim pat thoh pyrteng bad ka Registrar bad Share Transfer Agent/Depository Participant(s) jong ka Kampani, ban ai ia ka web link jong ka website jong ka Kampani nangno ba lah ban pule ia ka Annual Report 2025-26. Ka kopi jong ka jingpynbna ba 25 jong ka Annual General Meeting bad ka Annual Report na ka bynta ka Snem Pisa 2025-26 ki don bad lah ban download na ka website jong ka Kampani kaba dei www.starcement.co.in bad ruh na ka website jong ki Stock Exchange ba la thoh pyrteng ia ki Equity Share jong ka Kampani, kiba dei www.nseindia.com bad www.bseindia.com. Ka jingdonkam ban phah ia ki kopi ba thoh ha ka kot jong ka Notice bad Annual Report na ka bynta ka Snem Pisa 2025-26 sha ki dkhot la pyllait noh katkum ki circular jong ka MCA bad SEBI.

Katkum ka Section 91 jong ka Companies Act, 2013 pule lang bad ka Rule 10 jong ka Companies (Management and Administration) Rules, 2014, ka Registrar jong ki DKhot bad ki Kot Pynkynriah Share jong ka Kampani kin khang naduh ka **Sngi Saitjia, 19 tarik Nailur, 2026 haduh Sngi Thohdieng, 25 Nailur, 2026 (baroh ar sngi ki kynthup lang)**.

Ki dkhot la ai ia ka lad ban iashim bynta ha ka AGM lyngba ka VC/OAVM ha la http://www.evoting.nsl.com ha ka login jong ki Shareholders/members da kaba pyndonkam ia ki remote e-voting credentials. Ka link na ka bynta ka VC/OAVM kan don ha ka login jong ki shareholders/members ha kaba kan pyni ia ka EVEN jong ka Kampani.

Ki dkhot jong ka Kampani la pynbna baroh ba katkum ka Section 108 jong ka Companies Act, 2013 pule lang bad ka Rule 20 jong ka Companies (Management and Administration) Rules, 2014, kumba la pynklyla bad ka Regulation 44 jong ka SEBI (Listing Obligations and Disclosure Requirements) Regulations, 2015, kumba la pynklyla, ki dkhot la ai ia ka lad ban thep vote ia baroh ki rai ba la thoh ha ka Notice da kaba pyndonkam ia ka electronic voting system (e-voting) ba la ai da ka NSDL. Ki jingbatal bniah shaphang ka e-voting ki long kumba la thoh ha kine ki kyndon:-

(a) Ka sngi bad ka por ba sdang ka remote e-voting: **Sngi Nyngkong, 21 Nailur, 2026 ha ka por 9.00 a.m. (IST).**

(b) Ka sngi bad ka por ba kut ka remote e-voting: **Sngi Palei, 24 Nailur, 2026 ha ka por 5.00 p.m. (IST).**

(c) Ka sngi Cut-off: **Sngi Thohdieng, 18 Nailur, 2026.**

(d) Ki hok thep vote jong ki dkhot kin long katkum ka jingdon jong ki equity share ba ki bat ha ka sngi Cut-off, kaba dei ka Sngi Thohdieng, 18 Nailur, 2026.

(e) Ia ka Remote e-voting da ka lad electronic ymlah ban shah shup palat ia ka por 5.00 p.m. ha ka **Sngi Palei, 24 Nailur, 2026**, la ka module jong ka remote e-voting yn khang da ka NSDL hadien ka sngi bad ka por ba la buh.

(f) Ki to ki DKhot kibon don ha ka AGM lyngba ka VC/OAVM bad kimbat pat ju thep vote ha ki RAI lyngba ka remote e-voting bad kiba khlem shah adwa ban leh kumta, kin bit ban thep vote lyngba ka e-voting ha ka por ba long ka AGM.

(g) Ka Notice jong ka Annual General Meeting kaba kynthup lang ia ki rukom leh jong ka remote e-voting, ka e-voting ha ka por AGM & ka jing-iashim bynta ha ka AGM lyngba ka VC/OAVM ki don ha ka website jong ka Kampani ha www.starcement.co.in bad ha ka website jong ka NSDL ha www.evoting.nsl.com.

(h) Ki dkhot kiba la thied share hadien ba la phah ia ka Notice jong ka AGM bad shwa ka sngi cut-off ki lah ban leit sha ka NSDL/ Kampani ban pan ia ka User ID bad Password na ka bynta ban pyndonkam ia ka hok thep vote jong ki da ka lad electronic.

(i) Uwei u dkhot u lah ban iashim bynta ha ka AGM lyngba VC/OAVM wad hadien ba u la pyndonkam ia ka hok thep vote lyngba ka remote e-voting pynban un ym shah ban thep vote biang.

(j) U brieve ba ka kyrteng jong u la thoh ha ka Register jong ki DKhot lane ha ka Register jong ki Beneficial owners ba la sumaar da ki Depositories ban peit bniah ia ka e-voting process ha ka rukom kaba khuid bad ba shai. Lada don kano kano ka jingkyli phi lah ban peit ia ka Frequently Asked Questions (FAQs) na ka bynta ki Shareholders bad ka e-voting manual na ka bynta ki Shareholders kaba kaba ha ka download section jong ka www.evoting.nsl.com lane phone ha ka toll free no. + 022 - 4886 7000 lane phah ka jingkyrpad sha u Ms. Pallavi Mhatre, Senior Manager, NSDL, 301, 3rd Floor, Manish Chambers, G Block, Plot No- C-32, Bandra Kurla Complex, Bandra East, Mumbai - 400051; Email: evoting.nsl.com;

Na ka bynta ka Star Cement Limited

Sd/-

Debabrata Thakurta

Company Secretary

Membership No.- F6554

Tarik: 03 Nailur, 2026

Jaka: Kolkata